



SAKSPAPIR

Saksnr	Utval	Type	Dato
87/2021	Formannskap/plan- og økonomiutvalet	PS	26.10.2021

Sakshandsamar	Arkiv	ArkivsakID
Åse Elin Myking	FA-M60	21/707

FORSLAG TIL NY AVFALLSFORSKRIFT FOR VAKSDAL KOMMUNE

Vedlegg:

Oversendelsesnotat fra BIR AS Avfallsforskrift husholdning
Vedlegg 2 Øvrige BIR kommuner nynorsk

Kommunedirektøren sitt framlegg til vedtak:

Framlegg til ny Forskrift for handtering av hushaldsavfall i Vaksdal kommune vert lagt ut offentleg høyring i perioden 27.10.21 – 01.12.21.

Merknad frå formannskapet, ført inn i møteportalen av Kjartan Haugsnes:

Formannskapet i Vaksdal kommune gjer særlig merksam på Pkt. 3.2 i forslag til retningsliner og ber innbyggjarane kome med innspel spesielt til dette punktet. Merknaden vert sendt ut saman med høyringsutkast.

Formannskap/plan- og økonomiutvalet - Sak 87/2021

FPØ - Behandling:

Formannskapet drøfta saka.

På vegne av formannskapet la Kjartan Haugsnes, SV fram følgjande merknad:

Formannskapet i Vaksdal kommune gjer særlig merksam på Pkt. 3.2 i forslag til retningsliner og ber innbyggjarane kome med innspel spesielt til dette punktet. Merknaden vert sendt ut saman med høyringsutkast.

Kommunedirektøren sitt framlegg til vedtak vart samrøystes vedteke.

Merknaden vart samrøystes vedteke.

FPØ - Tilråding/Vedtak:

Framlegg til ny Forskrift for handtering av hushaldsavfall i Vaksdal kommune vert lagt ut offentleg høyring i perioden 27.10.21 – 01.12.21.

Formannskapet i Vaksdal kommune gjer særlig merksam på Pkt. 3.2 i forslag til retningslinjer og ber innbyggjarane kome med innspel spesielt til dette punktet. Merknaden vert sendt ut saman med høyringsutkast.

Saksopplysningar:

Samandrag/konklusjon (kort om saka)

Forskrift for handtering av hushaldsavfall i Vaksdal kommune skal reviderast. Føremålet med forskrifta er å sikre ei forsvarleg handtering av hushaldsavfallet i samsvar med lovpålagte krav til miljø, helse, tryggleik og god økonomiforvaltning. Forskrifta skal bidra til å fremje målet til kommunen om å redusere mengda avfall og leggje til rette for betre utnytting av avfall som ressurs, med særleg vekt på gjenvinning, reduksjon av restavfall og sirkulærøkonomi.

Eigarkommunane i BIR utarbeider likelydande forskrifter. Forskrifta vert lagt ut til offentleg høyring og vert endeleg vedtatt i kommunestyret før årsskiftet. Forskrifta vert gjeldande frå 2022.

Bakgrunn for saka

Gjeldande avfallsforskrift for Vaksdal kommune vart gjeldande frå 01.03.2014, Forskrift om handtering av avfall frå hushald, Fusa, Kvam, Os, Osterøy, Samnanger, Sund og Vaksdal kommunar, Hordaland jf. <https://lovdata.no/dokument/LTI/forskrift/2013-12-18-1749>

Føremålet med forskrifta er å sikre ei forsvarleg handtering av hushaldsavfallet i samsvar med lovpålagte krav til miljø, helse, tryggleik og god økonomiforvaltning. Ho skal bidra til å realisere dei pliktene som er gjevne kommunen ved lov, og dessutan nå dei måla som kommunen til ei kvar tid har nedfelt i planane sine eller er pålagd av nasjonale styresmakter.

Forskrifta skal bidra til å fremje målet til kommunen om å redusere mengda avfall og leggje til rette for betre utnytting av avfall som ressurs, med særleg vekt på gjenvinning, reduksjon av restavfall og sirkulærøkonomi. Forskrifta skal bidra til å fremje kommunen sine mål, strategiar og tiltak for betre klima og miljø, og samtidig sikre renovasjon som samfunnskritisk infrastruktur. Forskrifta skal hindre ulovleg innsamling av hushaldsavfall.

Forslag til forskrift er utarbeidd i dialog med BIR, og BIR si vurdering er at Bergen kommune sin forskrift med nokre mindre justeringar også kan nyttast av dei andre eigarkommunane.

Bergen kommune si forskrift <https://lovdata.no/dokument/LF/forskrift/2021-05-20-1719>

BIR tilrår ut frå rettleiings- og sakshandsamingsomsyn at forskriftene i omegnskommunane vert så like som råd og at vidare at dei er mest mogleg lik forskrifta for Bergen kommune.

BIR har nokre konkrete forslag til justeringar som bør innarbeidast for eigarkommunane utanom Bergen. Dette gjeld:

§ 2-2 der BIR får mynde til å krevja inn gebyr på vegne av kommunen, noko som er ei vidareføring av gjeldande praksis

§ 3-1 Handtering av hushaldningsavfall, tredje ledd, der BIR tilrår ei formulering som ivartek framtidige behov for endringar som følgje av nye sentrale krav eller kommunale ønske eller målsetjingar

§ 5-4 Overtredingsgebyr der BIR får mynde til innkreving av Overtredingsgebyr på vegne av kommunen til liks med mynde til å ileggja tvangsmulkt. BIR tilrår at begge desse bør delegerast, då dette gir den beste sakshandsamingsprosessen med kort avstand mellom saksbehandling og det operative og kontrollerande leddet.

§ 7.1 Ikrafttreding. Ny forskrift vert sett i kraft etter vedtak i kommunestyret og offentleg Kunngjering.

Forslag til ny forskrift for eigarkommunar ligg ved.

BIR har lagt opp til ein prosess der kommunane legg forslaget ut til høyring i haust. Etter høyringa vert saka lagt fram til politisk handsaming og vedtak av ny forskrift. Ved kunngjering vil ny forskrift tre i kraft.

Reglane for utarbeiding av forskrifter går fram av forvaltningslova kap. VII. Før ei forskrift vert endeleg vedteken skal dei den vedkjem ha høve til å uttala seg. Kommunen avgjer korleis høyringa skal skje. Uttale skal gis skriftleg.

Forslag til ny forskrift vert lagt ut til høyring i perioden 27.10.21 -01.12.21.
Endeleg behandling i kommunestyret vert 14. desember 2021.

Formelt grunnlag

Forureiningslova § 30

Vurdering og konsekvensar

Kommunedirektøren sluttar seg til BIR sine vurderingar av behovet for mest mogeleg like forskrifter i eigarkommunane.

Ny forskrift vidarefører for ein stor del gjeldande forskrift, men inneheld nødvendige oppdateringar og endringar som følgje av nye lovkrav til avfallshandtering, og er tilpassa egne målsetjingar i kommunane m.a. knytt avfallsreduksjon og materialgjenvinning.

Kommunedirektøren tilrår at utkastet vert lagt ut til offentleg høyring.